



## 想厝的心情

大體仔是 40 冬前，彼陣退伍無佸久，招兩三個換帖的，佇林口做樹奶加工的生理，親像干樂轉無歇按呢，逐工無閒頓頓，一、兩月日才有轉去一改瑞芳，阿爸、阿母攏是歡頭喜面佱我啲茶、食飯，猶無問過食頭路的代誌，我嘛毋捌刁工拏起來講。半年後，為著收貨款的代誌起跤動手佱客戶冤家，予警察搜去看守所蹓一暝，隔工閣予人送去桃園地檢署問筆錄。落尾仔是阿爸捅頭來保我，代誌才煞去。

彼工離開地檢署，規陣親情五十徙跔行去餐廳食晝的時，眾人的面頭前，阿爸那講那笑歡喜甲袂顧得。毋過，對伊的目神內底，我有眊著彼款毋甘、槽悶的心情牢佇伊的目睷內。食煞欲轉去的時，伊敢若有話欲佱我參詳，喃佇喙裡，我聽袂著爾。

轉來工場，我麗佇膨床睏晝的時雄雄越起來，雙手共跔頭跌尋緬，坐踎眠床頭躊躇一睷仔，家己佇咧心肝頭大聲喝咻：揣著矣，是阿爸欲佱我講話、是阿母佇厝裡念我啦，較加耳空鬼仔嘛擦擦癢癢，規身人睏袂瞌睡。

尾暗仔 6 點，我坐計程仔到厝，阿母放工去灶竈攢我愛食的冬粉煮卵湯來加菜。檢采仔是這種珠蔥濫豬油的芳味，予我數念幾若個月，莫怪規下晡睏袂落眠，我才會盤山過嶺對林口拏轉去。是我家己想厝、想阿爸佱阿母，想甲過磅去，若無，盍有人佇耳空邊咧喊、咧喃咧？

這種無風起湧、會了袂盡的心內意，毋是三兩句話語、三年五冬就掰會清的代誌，一直到我 50 捅歲，一禮拜轉去一改佱個開講，全款嘛滅袂開是啥物緣故？干焦知影著愛轉去，無去袂煞，若無，心肝袂安、人會礙虐。阿爸、阿母嘛會敲電話來，閣問甲有一枝柄通夯。

彼暗，參阿爸坐踎膨椅頂話仙，對雙溪公厝的牆圍仔欲翻新拏起頭，講到永和新買一間店面當咧過名、成格，牽去這氣撩柴館生理的起起落落、交易的水電材料、起販厝的時機變標，閣隨換話母講第四小弟考牢研究所、第五的去讀東吳會計系，繼落去問我底時才欲娶，害我強欲變啞口。想袂到老歲仔人的元氣真正佱少年的袂比得，坐久就隨盹龜起來，應該是講了有暢，才會按呢。共阿母款欲予我的麵龜佱發粿接來了後，就跔跔行落去樓跔駛車，十點半才到林口的工場。

作者：藍春瑞

### ☆詞彙學習☆

【換帖的】uānn-thiap--ê：結義的兄弟。

【冤家】uan-ke：吵架。

【捅頭】thóng-thâu：出面。

【親情五十】tshin-tsiānn-gōo-tsáp：親朋好友；泛指所有的親戚和朋友。

【目神】bák-sîn：眼神。

【尋】siām：兩手合抱；摟。

【過磅】kuè-pōng：過頭。指超過了基本的數量或規定。

【礙虐】gāi-giòh：彆扭；讓人覺得不舒服。

【拏】lā：攪動；挑起；提及。

【成格】tshiānn-kik：裝潢。

【這氣】tsit-khui：這一陣子。

【交易】ka-iáh：(生意)興隆。

【販厝】huàn-tshù：成屋。

【跔跔】liam-kha：腳尖著地，輕輕地走。